

# যুগান্তর

প্রিন্ট: ০৮ জুলাই ২০২৫, ০১:৫৪ পিএম

শিক্ষাঙ্গন

## শিক্ষক-কর্মচারীদের জন্য ইএফটি সুবিধা চালু



যুগান্তর প্রতিবেদন

প্রকাশ: ০৮ জুলাই ২০২৫, ০৯:৪৯ পিএম



### কারিগরি শিক্ষা অধিদপ্তর

ফাইল ছবি

দেশের কারিগরি শিক্ষার মান উন্নয়নে শিক্ষক-কর্মচারীদের জন্য একটি বড় সুখবর দিয়েছে কারিগরি শিক্ষা অধিদপ্তর। তাদের জুন মাসের বেতন-ভাতা ইলেকট্রনিক ফান্ড ট্রান্সফার (ইএফটি) পদ্ধতিতে দেওয়ার সিদ্ধান্ত নেওয়া হয়েছে।

এজন্য প্রতিষ্ঠানগুলোকে আগামী ১০ জুলাইয়ের মধ্যে টেকনিক্যাল এডুকেশন ম্যানেজমেন্ট ইনফরমেশন সিস্টেম (টিইএমআইএস) সফটওয়্যারে প্রয়োজনীয় এমপিওশিট সাবমিট করার নির্দেশ দিয়েছে কারিগরি শিক্ষা অধিদপ্তর।

বৃহস্পতিবার কারিগরি শিক্ষা অধিদপ্তর এ সংক্রান্ত একটি নির্দেশনা জারি করেছে। নির্দেশনাটি সংশ্লিষ্ট সব শিক্ষা প্রতিষ্ঠানের প্রধান ও সংশ্লিষ্ট কর্মকর্তাদের পাঠানো হয়েছে।

নোটিশে বলা হয়েছে, এইচএসসি (বিএম), এসএসসি (ভোকেশনাল), মাদ্রাসা (ভোকেশনাল ও বিএম) এবং কৃষি ডিপ্লোমা পর্যায়ের এমপিওভুক্ত শিক্ষাপ্রতিষ্ঠানের শিক্ষক-কর্মচারীদের বেতন-ভাতা ইএফটি পদ্ধতিতে পাঠাতে হবে। এ জন্য নির্ধারিত সময়সীমার মধ্যে টিইএমআইএস সফটওয়্যারে প্রয়োজনীয় তথ্য সাবমিট করতে বলা হয়েছে।

যেসব প্রতিষ্ঠান ইএফটি তালিকায় অন্তর্ভুক্ত হয়নি, তারা আগের মতোই বেতন-ভাতা প্রাপ্ত হবে বলেও নির্দেশনায় জানানো হয়। এ ছাড়া, জুলাই মাস থেকেই শতভাগ এমপিওভুক্ত কারিগরি শিক্ষাপ্রতিষ্ঠানকে ইএফটির আওতায় আনার পরিকল্পনা রয়েছে বলে নির্দেশনায় উল্লেখ করা হয়।

বেতন-ভাতা সংক্রান্ত কোনো জটিলতা হলে কারিগরি শিক্ষা অধিদপ্তরের এমপিও শাখা অথবা ইএফটি সেলের সঙ্গে যোগাযোগ করতে বলা হয়েছে।